

كومبارس

كلنا في حياة بعضنا فترات
والدنيا بقت تشبه مسرح
حفلة كبيرة والناس فقرات
تقعد تتفرج وف صغرك
تضحك على مشهد مش فاهمه
تكبر.. تفهم.. يقلب ب عياط
ترفض تاخذ دور كومبارس
فتكون واحد م الجمهور
مع إننا كلنا كومبارسات
مين فينا مكمل في مكانه
أو ضامن حد هيبقى معاه
أو عارف حتى طريق يمشيه
إن ضل طريق الحلم وتاه

أو إن الحلم هيفضل حلم
أو إنه هيبقى في بكره حياة
طب يعني إن مسك القلب ف حد
أو يعني إن حب
هيا لقي إيدين تفضل سانداه
أو قلب بيرفض رغم البعد
يزهد قلبه أو يوم ينساه
أنا عارفه قلبي قد الوعد
أنا عارفه عنيد جداً في الصعب
لكن عُمره ما يقبل أبداً
يكون كومبارس
طلع على مسرح دنيتكوا
.. يقدم فقرة
أنا قلبي عمره ما كان فترة

ولا ريست يقطع سكتكوا
والمشهد يقلب تراجيديا
المخرج مش عاجبه الفكرة
أنا يمكن بس إتشديت
أنا آسف إن كنت بكيت
أنا تايه جداً على فكرة
أنا يمكن محبوس في امبارح..
أو خايف جداً من بكره